

جریدہ علیہ

مشيخت جليله اسلاميه نك جريدہ رسميه ميبر

۱۵ جمادی الاولی ۱۳۳۸

عدد ۵۳

اون بش کونده بر نشر اولنور

بشغي منه

بالاخره اهل بدعتك قلوبنه سنه مخالف برطاقم القآت شیطانیه واقع اولمغله اهل بدعت
بوالقآتی تفوهه، بویه جه عقائد اهل سنتی تشویشه باشلادیلر . جناب حق طائفه متکلمینی
اظهار ایتدی ، متکلمین اهل سنتك عقائد مأثوره (منقوله) سنه قارشو اهل بدعتك
تلیساتی [۱] اظهار ایده جك وجهله ترتیب اولومش دلائل ایله اهل سنه نصرت ایتشلر
ایدی . ایشته علم کلام ایله اهل کلام بوصورته نشأت ایتشدر . طوغریسی اهل کلامدن
برطاقی جناب حقك کندیلمی دعوت ایتدیکی شوخصوصه قیام ایدرك نور نبوتدن تلقی
بالقبول اولان عقائد اسلامییه محافظه ، سنت سنییه مدافعه ، بدعت محدثی تغیر
خصوصلرینه لایقی وجهله اعتنا ایتشلرایدی . فقط انلرده بوبابده خصملری طرفندن
ایراد اولنان برطاقم مقدماتی مسلم عدایدرك بومقدمات مسلمیه اعتماد ایتدیلر ، بومقدماتی
یا تقلیده ویا اجماع امته ، ویا مجرد قرآن و اخباری قبوله مبنی تسلیم ایتمکه مضطر ، مجبور
اولدیلر . خصملریله مؤاخذه و معارضه خصوصنده ، خصملرینك تناقضلرینی استنحراج
خصوصنده مناقشه لرینك پك چوغی قضایای مسلمه لرینك لوازمی ایله ایدی . یعنی «پوتسلیم
اولنورسه شولازم کلیر» طرزنده ایدی . بوایشه ضروریاتدن بشقه برشیئی تسلیم ایتیانلر
عندنده پك آزار نافع ایدی ، بوملاحظانه مبنی علم کلام غزالییه کافی ، شکایت ایتمکده اولدیغی
دردینه شافی اولهمدی ؛ آب حیات حقیقته اولان اشتیاقه چاره ساز اولهمدی .

۱۸ کانون ثانی ۳۳۶ دارالحکمة الاسلامیه اعضاسندن

ازمیری

اسماعیل حق

دارالحکمة الاسلامیه اعضاسندن فرید بك افندیك

آیاصوفیه ده کی موعظه لری

أعوذ بالله من الشيطان الرجيم . بسم الله الرحمن الرحيم (يؤتى الحكمة من يشاء ومن
يؤت الحكمة فقد اوتي خيراً كثيراً وما يذكر الا اولو الالباب) صدق الله العظيم .

[۱] تلیس مشتبّه و مختلط فیلمق ، حیلّه ایله عیبی کیزلهمك .

جناب ح: فرقان حکیمندہ بووریورکہ: (یؤتی الحکمۃ من یشاء) اللہ قوللرندن کیمہ ایسترسہ حکمت احسان ایدر؛ اونی حکمتلہ مکرم، منع قیلار. (ومن یؤت الحکمۃ) کیم قبل سبجانیدن بویله حکمتلہ مکرم اولورسہ، (فقد اوتی خیراً کثیراً) ایشته اویله اولان آدمہ اللہ طرفندن خیر کثیر احسان ایدیش دیمکدر. (وما یدکر الا اولو الالباب) بو آیات ومواعظی، بو حکمتی تذکر وتفکر ایتمز؛ الا عقلی اولان ارباب الالباب، قفاسنک ایچندہ بینی اولان آدم تفکر ایدر، ماعداسی دوشونہ مز.

حکمت نہدر؟ اللہک حکمتی برنورددرکہ انسانک قلبندہ، دماغندہ تجلی ایدر. حقایق اشیائی کوسترر. حکمتک تعریفی ذاتاً بودر. استطاعت بشریہ نک تعلق درجہ سندہ حقایق اشیائی اکلامق. بوندن مقصد ایچنہ کومولوب قالمق دکل.. وجود صانعہ دلالتی قیلندن آکلامق در. اوندن صوکرہ نہ یاپاجغز؟ خالقہ رجوع ایدہ جکزر. مقصود بالذات، اونی بیلیمک. اثر دن مؤثرہ انتقال. ایشته بویله اولان کیمسہ یه خیر کثیر احسان اولونمش دیمکدر. او آدمک قوای جسمانیہ وروحانیہ سی بو نور حکمتلہ منور، مددل برحالہ کلیر. افراط وتفريطدن، چاریق چورپوق احوال دن، نقایص عقلیہ دن تبری ایدر. قواسنہ سلامت کلیر. اللہ اعتدال ویرر. هر شیک مزایاسنہ آدم عقلی انفاذ فکر ایدر. استنباط ایدہ جکی حقایقلہ عامل اولور. نہ طرفدن برروزکار اسرسہ او طرفہ دونمز. اونی قایا کی هیچ بر روزکار یندن اوینا ناماز. افکاری کوزل، افعالی کوزل، اقوالی کوزل اولور. اللہک حکمتی بودر. اوت حقایق اشیا بر آدمک قلبندہ تجلی ایدر. نتہ کیم نامتناهی اولیاء اللہ، انبیای ذیشان گلش. اونلرک قلبلرندہ نیجه نیجه اسرار الہیہ تجلی ایتمز. کرک منظوم، کرک منشور بر چوق اثرلر براقشدر. بونلر هپ حکمتک نتایجی، آثار مشکورہ سیدر. اوکی حکمتلر بزم قلبمزدہ یر طوئہ ماز. طاشک اوستندن صوآقار کی کچر کیدر. دیمک کہ اللہ انسانہ اوقابلیتی ویرمی. یعنی قلبندن، بوتون اعضا وجوار خندن غشاوہ ظلماتیہ پی قالدیرمی. صوکرہ حکیم حقیقی اولور.

(حکیم) لفظی اسماء الہیہ دندر. اوندن قطع نظر اصطلاح مخصوص اولہرق فلاسفہ یدہ حکیم دینیور. بر حکمت وارددرکہ اوکا لسانزدہ حکمت طبعیہ دیرلر، او حکمت دہ باشقہ. کیمیا: اودہ باشقہ. بری اجسامک ترکیب لرینہ خال کلک، دیکری خلل کلہ مک شرطیلہ

يکديکرىنه اولان تأثيرات مخصوصه لرندن بحث ايدر . برر علمدر . عقلی اولان اونلردن ده برشی چيقاریر .

بو حکمت نه ايله اولور ؟ باق نه بو یوریور الله : (یؤتی الحکمة من یشاء . .) اسبابنه توسل لازم . قوللرندن کیمه ایسترسه ویرر . فیاضده بخل یوقدر . محله قابلیت شرطدر . سن او استعدادی قازان ، الله سنک قلبکده اونوری او یاندریر . یوقسه منور شیرله حکمت نامنی ویروب آغزیننه کانی سویلک ، امت محمدی اضلاله تصدی ایتک .. بو حکمت دکل ، عادتاً مسخره لوق اولور . عیدر . ادنا انصافی اولان اصلاً بوادی یه سلوک ایتز . بو طاشقینلغک سوکی شاشقینلقدرد . البته برکون بلاسنی بولور . نته کیم بریتنده حضرت مولانا اویله دیور :

حلم حق کرچه مواساها کند
چونکه از حد بگذرد رسوا کند

اللهک حکمتنه پایان یوق . اونی امهال ایدر . او امهالی ده او ، برشی صانیر . کونک برنده بلاسنی بولور . بونلرک بلاسی عاجل دکلدر . سز بعض دینسزلری کوریرسکیز . ظاهراً برشیلری یوقدر . فقط بونلرک دماغلرنده نیجه جهنم قزانلری قاینار . قبلرنده نیجه غیالر فوران ایدر . اضطرابندن طیب طیب صیجرا . میخانه میخانه دولاشیر . سن اونلری اویله کورور ، بشوش ، نشوولی ظن ایدرسک . حال بوکه هیچده اویله دکل . «ان جهنم لمحیطه الکافرین» آیتک ناطق اولدینی وجهله اونلر بوراده جهنمه کیرمشلردر . جهنم هر طرفدن اونلری محیطدر . اوله دن جهنم آتشی قبلرینه دوشر . بونلره بلامقرردر . قور تولوش یوق والسلام

بویله اولان آدمیر نه یاعلی ؟ فناقلردن رجوع ایدوب حق و حقیقی قبول ایتلی . حقیقه بونلر چوق دونک آدملردر . کفرلرنده متانت یوق . بونلره : « یارین اوله جکسک ، صباح حاضر اول جنازه نمازینه ! » دیسه لر همان آبدست آوب نماز قیلمغه باشلارلر . جامعه قوشارلر . دیمک کفرلرنده ، الحاذلرنده ده متانت یوق . زلزله اولور ، تیر تیر تیردرلر . موت اضطراب ... جزم حاصل ایتسه لر جامعه قوشارلر . بویله برمسلیکده اولان آدمیر نچون اللهک امهالندن طولای متنبه اولمازلر ! نچون کیتدکری فنا یولدن

کری دوغزلر ؟ چونکه اوله جکلرینی بیلسه لر محقق دونه جکلر . ایش بوراده به کله دن شمیدن اختیاریه دونه لر داها ای اولمازمی ؟ فقط (وما توفیق الا بالله) سن ایستدیککی طریق مستقیمه تسلیک ایده مزسک ، آنجق بن ایدرم ، بویورور الله . بویله اولمقله برابر دونه که چالیشلی . زیرا صوگ پشیانلق فائده ویرمز .

مشهور برحکایه واردر : برکاربان بریره قونمش . اوراده کیجه لیه جکلر . ایچلرندن بریسنی بکچی انتخاب ایدرلر :

— بز یاته جغز . سن بواشیای محافظه ایت . خیرسز کلیرسه چالمه سنه میدان ویرمه .
بزم خبر ویر ... دییه تنیه ایدرلر .

اوده : — پک اعلا ! دیر .

کاربان خلقی یاتارلر . کیجه اولور ، یوزلری ، کوزلری اورتولو برطاقم خیرسزلر کلیرلر .
اللرنده ییچاقلر ، بکچی نی تهدید ایدرلر . آدامجغز سننی چیقارمه ماز . کاربانک نه سی وارسه
هپسنی آشیرلر . کاربان خلقی صباحاین او یانیرلر ، برده باقارلر که نه آت قالمش ، نه دوه ،
نه اشیا .

— کل باقم بکچی ! نه خلط ایتدک سن بو کیجه ؟

— حقیقت ایشته میدانده . کلدیلر ، هرشیئی آلوب کیتدیلر .

— نه ایچون منع ایتدک ؟

— بن بوتون قدرتمی صرف ایتدم فقط موفق اولمه مادم .

— پکی ، نه یه سسلنمدک ؟

— ییچاق کوستردیلر ، تهدید ایتدیلر .

— های الله مستحقکی ویرسون ! ایچون باغیرمه دک ؟

— افندم ، کوکسمه ییچاقلری دایادیلر ناصیل باغیرم بیلیردم ؟ اوزمان باغیروب چاغیرمق

ممکن دکلدی . لیکن شیمدی امرایدیکز ، ایسته دیککنز قدر باغیریم ... دیمش .

ایشته بو آدملرکده صوگ دم حیاتلرنده باغیرملری بو قیلدندر . هرشی وقتنده

کرک .

بو حکمت ، شعوری اولور . ذوی العقوله خاسدر . بوتون موجودات حکیم ازلینک حکمت

چالغهنک ایجاباته تابعدر . باقکنز ، بو دنیا حکمتله ، موازنه ایله طور یور . الله اجرام

سماویہ ایچون محرکر تعیین ایتمش . اوصورتله که بریسی ذره قدر حدودینی تجاوز ایتمور .
بوفضای لایتناهیده لایعد اجرام دوروسیر ایدیور . حماد اولسون ، ذوی العقول اولسون
هپسنگ وظائفی تعیین ایتمش . بونک کی انسانی ده صاحب شعور اوله رق یاراتمش . حکمت
موهبه سنی آکا لایق کورمش . اونکله انسانی شرفلندیور . امر الهی به مطاوعده
حماددن اشاعی اولق لایقمیدر ؟ اصلا .

انسان بوتون قوای مادیه ومعنویه سنی ماخلق لهنده قوللائی . اوزمان برکون اول
سیاه کوردیکی ایتسی کون بیاض کورمه یه باشلار . بوتون او عقائد فاسده برک خزان
کی دوکولور . مصفی ، منکی بر آدم اولور . بونلر نه ایله اولور ؟ هر شیک برسبی واردر که
اوکا توسل ایتنه یجه مقصده وصول ممکن اولماز .

— اقدام ، بن قلیچ اویونی اوینامق ایسترم .
عضلاتکی تقویه ایده جک ، الیک سرعتی آرتدیره جقسک . بونک بر ریاضق واردر که
اونی مطلقا یاه جقسک . اوکا تشبث ایتدکدن صکره مقصود که وصول امکانی یوقدر .
— بن یوزمک ایسترم ، فقط دکزک ایچنه کیرمه دن .
ناصل اولور ؟ دکزه کیرمه دن یوزمک اوکرم نیلیری ؟ بونک امکانی وارمی ؟ صویه
کیر ؟ چالیش چابالا اوندن صکره یوزرسک .

— بن مسلمان اوله جفم .
بك اعلا ، مسلمانلرک یادیفی کی یاپ . اعتقادلرینه ، عبادتلرینه اشتراك ایت .
تجربه قیلندن اوله رق هیچ دکلنه موقت بر زمان ایچون اولسون ، مسلمانلرک اثرینه
اقتفا ایت .

موقتاً ترك ایتدیكك او وادی ضلالت سنك ایچون هر زمان آچیق . ایسته دیکک وقت
ینه اورایه کیده بیایرسک . برآزده بوجماعتله الفت ایت . باقهلم ، نه لر کورور ، نه لر
طویارسک . سن بوتون اوقاتکی ملازمت کفره حصر ایدرسک . سنک نظر حقارتله
باقدیغک کیمسه لر اودون دکل آ . بونلرکده منطقی وار ، بونلرکده علمی وار . اما
اوتکی میل وهوا . اونک ایچون اوکا تمایل زیاد اولور .

« من اخلاص لله اربعین یوما ظهرت ینابیع الحکمة عن قلبه علی لسانه » برانسان قرق
کون جناب حقه اخلاص ایله عمل ایلسه قلبنده کی منابع حکمتدن نبعان ایدن زلال

معرفت لساندن جاری اولور . کوزل دوشونور ، کوزل سویلر . انسان اولور .
مجنون لایمقل ، ظیروطوب اولماز . تام مغناسیله بر آدم اولور . بن بویله شی ایسته م .
هادیمک سنده کی قابلیت بوکا مانع . جانک ایسترسه قوزوم

برحکایه وار : دباغته مشغول بر آدم برکون سوقاقدہ بایلمش ، کل صوبی کتیروب
قوqlاتمشلر . هیچ بر تاثیر اجرا ایتمه مش . داها فنا اولمش . اورادن برادری کچورمش :
« کلاب ویریورسکیز . فقط نافله در . اوکا کوپک ترس قوqlادک ، درحال عقلی باشنه
کلیر . » دیمش . حقیقه دیدیکی کبی یامیشلر . آدامجغز آیلیمش ، عقلی باشنه کلش .
حریف کفریاته تمایل . اونکله آلوده . بوی ایماندن نه دویار ؟ مشام جانی طیقاش .
یاخود بوی کفر ایله الفت ایتش :

— ای اما اقدم ، سنک دیندار دیدکلرک کندیلرینی اسکی خرافاته قاید برمشلر ! ..
بویله دکل . بو بختده پک یایاقالیرسک . نیجه آدملر واردرکه سنک بیلدیککدن ای
بیلور ، سنک کوردیککدن ای کورویور ، سنک دوشوندیککدن ای دوشونیور .
آراده بول .. الله رحمت ایلسون ، مثنوی شارحی شو انقروی مرحوم حیاته اولسه
والله مطبخته اودون طاشیردم . وبونی ده جانه منت بیلیردم . اسلامده نیجه آدملر کلش .
سنک شبهه نامنه قلبکه طولدوردیغک مزخرفاتی سندن ای بیلیر . نه کی شیلر اعتقاد ایله
تعارض ایدیور ؟ وسوس ندر ؟ هپسنی بیلور . اونلرک منشائی ، موزدینی تعیین ایدر .
اوروجک آغی کبی . دو قودیغک او افکارک ایچنده محبوس قالیرسک . هر شیک
برمنطقی ، هراعتقادک برحقی واردر . سن متصل افکار فاسده طوقویورسک . بویله
فکرله الله بیلنیرمی ؟ اصلا بیلنمز . پیغمبر ایسه هیچ بیلنمز . [نبوت بحی حقنده
سویله جک چوق سوزلرمن واردر . شو الوهیت مسئله سنه دائر کافی درجه ایضاحات
ویردکدن سوکره نبوت بخته نقل کلام ایده جکیز . اصل بحثک رکن مهمی اودر .]

حضرت پیغمبری دوشون . سن ذات رسالتک عظمتنی تصور بیله ایده مزسک .
سنک تصور کدن میلیار کره ، نامتناهیلا قدر یوکسک . بونی ده سنک عقلک قبول ایتمز .
چونکه حوصلهک دار . قابک قدر آله جقسک . فضله قویارسک طاشار .
اسکیدن ادب واردی . هر کسده بونورک سری تجلی ایدردی . شیمیدی ایسه
جراتکارانه سوز سویلک وار . اونک ایچون بونورک قلوبه سریانی کوجلشدی . اونک

ايچون سن جناب پيغمبرى كوره مزسك . ذات اقدسك بويوكلكنى تقدير ايده مزسك .
بوناصيل اولور ؟.. هپ بوجهتدن شيطان كيم بيلير قفاكه نهلر صوقار . ايلريده سويليه جكنز .
علت غايئه عالم ، بوعالمك غايهسى ... آه نه عظمتلى موضوع ! نه دقيق ، نه مهم !! پيغمبر
اولمازسه بز حق نرمدن بيله جكنز ؟

— فلسفه ايله بيليرز .

والله چاليشمه . هيچ فائدهسى يوق ، مه تافيزيق ، صفات الهيه يي تعيين ايدر مش .
سك او طريق ايله اولان ايمانك ، اعتقادك قاچ پاره ايدر ؟ بعضلى پك ايلري كيدر .
صيت نبوى واصل اوليان يرلرده توحيدك وجوبنه قائل اولور . بومسئله ده باشقه .
هايدى كندى اصولكله الهى بيلدك ، نه ياپه جقسك ؟ هيچ اوندن رخبر ، بر جبريل
كلديى ؟ برشى تبليغ ايتديى ؟ هر كسك قلبنده بر جرثومه توحيد وار ديهلم ، فقط
الله ايله مناسباته وساطت نبويه ايله كيريشه بيلير . نبوتك ثبوتدن صوكرا او جرثومه نك ده
فائدهسى قالماز .

نبى اكرم نه دييور : « انه ليقان على قلبي وانى استغفر الله فى كل يوم سبعين مرة » يعنى
« بنم قلبمه رقيق بر پرده كلير . بن بوندن دولاي ، ربمه كونده تمش كرم استغفار ايدر دم .
بوشره خاص اولان حاقى ازاله ايچون تمش دفعه اللهدن مغفرت ديلرم . » بوى پيغمبر
سويليور . اللهك حبيبي حضرت محمد صلى الله عليه وسلم . شيمدى پيغمبر ديشان بويله
سويديكى حالده سن تمش كونده بر كرم استغفار ايتدكمى ؟ صوكرده قلبيكده نور آراسك .
بو ، طبق قروده بالق اولاميه بكيزر . تربيه نفس ايچون باشقه شيلري ناصيل ياييورسهك
بونده ده بويله ياپه جقسك . هر شيك برادى ، بر منطقى واردر . او صورته چاليشليرسه
فيض حصولى آنحق او وقت قابل اولور . بوزوق ساز ايله آهنگ ايدلنز . بر مضراب
اوردكمى ، بر باد بر صدا چيقار . يارقص ايدر سك ، ياذكر . قابليتگه كوره . ظواهر
شريعت ده بوآلتك ، آلت وجودك تربيهسى ديمكدر . اوندن ظهور ايده جك افعالده
بو تربيه نك نتايج ضروريه سيدر . اعتدال كلي وجوده . مثلاً شعائر اسلاميه دن اولان
مرحمت حسي ملكهسى قلبدن آنحق وجود سازينك آهنگى دوزلدكن صوكرا حاصل
اولور . اما سن ديه جكسك كه :

— افندم ، مرحمت ضعف عصب نتیجه می‌در . بنم اعصابم قوی . مرحمت نه دیمک ؟ فقرا ، ضعیفا هپسی کیملی . نه لزومی وار ؟ اسپنسرک قانونی قبول ایدرز . جمعی نا تمام وجودلردن تطهیر ایدرز ..

یکی اما ، سن بومرحتی ایسته میورسک . حال بوکه بونک نه مالی ، نه قدسی برحس اولدیغنی بیلسهک هیچ بروقت قلبگدن چقمه‌سنه راضی اولمازسک . اعصابکی او صدای احیا ایده‌جک پرده‌یه قدر چکمزسک . علوم ، ادبیات ، فن ، هپسی‌ده بویله . سیگیرلرک آقوردینه تابع . آقورد ده کیشنجه بونلرک ماهیتی‌ده ده کیشیر . ذوق ادب‌ده کیدر . نحس ادب‌ده زائل اولور . انسان قارننی طولدورونجه دماغی بوشالیر . بز نه یاپورز ؟ علاقلک اولمادیغک شیدن نه صلاحیتله بحث ایدیورسک . بحث مهمدر . فقط تفصیله زمان مساعد دکل . آکلایان آکلار .

— بن اتباع ایتمه به‌جکم .

ایسته‌دیکک یره کیت . نه ایسترسهک یاپ . اوسنک نفسگه منحصر . فقط ادبکی طاقین . عالمه طوقوگمه . بنم الک زیاده کوجه کیدن بودر . بویله آدم‌لر شعوردن عاری آدم‌لردر . انسان وجوددی شعوردن عبارتدر . فکریه مسلک‌نه سالک اولان علمانک‌ده اعتقادی بودر . حتی اونلر : بوتون وجود ، ادراکدن ، شعوردن عبارتدر ؟ دیرلر .

عکسی حال وجود دکلدر . وجود شعور ایله قائمدر . فقط وجود حیوانی درکه‌سندم قالمالی . شعور دینی ایله انسان کامل ، انسان حقیقی اولغه چالیشمالی . یوقسه بعض فیلسوفلرک اعتقادی کبی انسان حیوان درکه‌سندم قالیر . «قارتیه‌نین» لر حیوانانه شعورلری اولمادیغی ایچون ما کینه نظریله باقارلر ایدی . حتی بونلردن «مالبرانش» برکون کوپکینک قارنه آغیله شدتله اورمش ، یاننده بولونانلر اعتراض ایتشلر . مالبرانش : «اوما کینه‌در . آجی دویماز ؟ اوندن کلن صدای اضطراب عکس العمل قیلندندر .» دیمش !!

بکا او یله کلیرکه اعتقاددن ، شعور دینی‌دن عاری اولانلرک‌ده بوما کینه‌دن فرقی یوق . عرفانه ، ادعانه ، عقله مستند برشیلری یوق . هپسی هدیاندن عبارت . ما کینه .

از طبع دیو خاصیت آدمی مجو

نه چاره؟ شيطاندن انسان خاصيتي بکلنمز. هر کس مظهريتني اظهار ايدر. جوهريني ميدانه قور.

— ماده، ماديون ...

آغزنده طولاشان هپ بو، حال بوکه ماده نهدر بيلمز. لاجود، عجا ماده وارمی؟ بونی کلیاً انکار ایدن وار. تصورات وهمیه دن باشقه برشی یوق. عوالم دیدیکک فکردن عبارتدر، صوکره هیچ تقدم و تاخرده یوقدر، دیور. من جهة دوعبریدر. علت، معلولده قبول ایتیمور. تعاقب ضروری وار. هر حادته یکدیگریک آرقه سندن کلیور. آرقه، اولکده یوق ... زمان، مکان اورته دن قالفنجه بونلرک هپمی برابر یوورالانوب کیدر. بونلر بزم ضروریات عقلیه مزدن عبارتدر. بو اوزون بر بختدر. بونی خلاصه اولسون سزه آکلا تمق ایچون ساعتلرجه اوغراشمق لازم. حریف دیورکه: دنیا و ما فیها اناه دن عبارتدر. سن حالا ماده دن بحث ایدیورسک. بنم (أنا) مک تصورات مختلفه سندن عبارت. بوده برمسک. اوطوروب اونیده اسکات ایتک لازم. بعدامتناهی به چیقسه ده ینه نفس ناطقه دائره سندن ایلری کیده مزسک. سنک بیلدیکک ماده علمی بر علم ایسه بوده بر علم. نهدن تدقیق ایتمه دن یوقدر متعرضانه بر حرکتی التزام ایدیورسک؟ ایکسیفه ده انسان کی محاکمه ایت.

زیرا ما بعد لطیفیاتک امکائی وقوعی قدر حائر قوتدر. یعنی بوا احتمالات حیطة قدرتدن خارج کورونمز. دیورلرکه عوالم، اللهک (تعیر معذور کورولسون) بر تصورندن عبارتدر. الله برآنده دنیائی ایجاد ايدر، برآنده محو ايدر. بوکاده عقلک ایرمیور. (کن!) امری نه دیمک؟ معنایی نهدر؟ بونی ده بیلیمورسک. نه کوزل سویلش شاعر:

خم وجود هنوز اهتزاز پیمادر

اوغنه دن که کلیر کاف ونون خطابندن

بومسائلی تدقیق ایدنجه او (کن!) یوقی اونیده آکلارسک صوکره. پک اعلا.

بو بونک عکسی. الیهونک قبول ایده جکی اللهی قبول. دلیلی؟ سرد اولونمش.

آفتاب آمد دلیل آفتاب کردلیت باید از وی رومتاب

کونشک دلیلی ینه کونشدر. اگر سن دلیل ایسترسه ک یوزگی چویرمه. فقط هانکی

کوز کورم جک؟

الله اوضح واضحات . هرشيدن بين . كوش كې ميدانده . تعمق ايچون كوزيكي
فضله جه توجه ايدرسك قاماشدريز . فضله سنه تحمل ايدم مرسك . تعمق كنه باري ذاتاً
ممکن دكل . حريم سرادقات ازليه سنه طوغروال اوزاتمق بزم ايچون ممکن دكل .
اكر كوشه دليل آراسه ك دليل كنديسيدر . باشقه دليل آرانماز . آرايه جق اولورسه
آدمه دلي ديرلر . ان شاء الله كله جك درس بوابات واجب دلائلي ايضاح ايدرز . بختر
چوق مهمدر . فقط ايضاحنه زمان مساعد دكل . ناچاره ؟ مالايدرك كله لايترك كله .
يوكون بو قدرله اكتفا ايدم . (اللهم ربنا آتنا في الدنيا حسنة وفي الآخرة حسنة وقنا عذاب النار)



دارالحكمة الاسلاميه طشره تشكيلاقي

طشره انجمنلرينك بدايت تشكندن بري تعليماتنامه نك ايجاب ايتيرديكي مواد احكامنك اجراسنه
عائر اتخاذ ايلديكاري مقررات وتشبثات ايله آلد ايديلن نتايجي ميبين برر قطعه راپور ارسال ايللري
اخيراً بالعموم مفتيلكلره تبليغ اولمشدى بوبابده باليكسري دارالحكمة انجمنندن وارد اولان راپور
اهميتنه بناءً بروجه آتي عيناً درج اولنور :

اولجه مقام عاليلرينه عرض ايلديكي وجهله بوراجه ده بردارالحكمة الاسلاميه انجمنى
تشكيلى حقنده شرفقوارد امر سموحيلري اوزره وتعليماتنامه نك ۲ نجى ماده سى موجبجه
تشكيل ايدن هيتتمز مقصدتشكلى محلى حكومتنه تبليغ ايلديكي كې حقائق ومعالى اسلاميه نك
نشر وتعميمي و تربيه دينيه نك تقويه سى خصوصنده كى وظائفنى آتيدمندر ج [۱] نومرولى
بياننامه ايله وقره سى غزته سيله نشر واعلان ايلش ومؤخر آده ايكننجى بياننامه يى [۲] نومرولى
نشر واعلان ايلكده بولمئشدر .

— انجمنمز هفته ده بر ويا مناسب كوردكي كونلرده يشللى جامع شريفى اتصائلنده
و فوقانى اوطه ده بالا اجتماع مقصده وصول ايچون تعليماتنامه نك اجراسنى امر ايلديكي موادى
على حسب الامكان وجوه آتبه دائره سنده تطبيق ايلش وايلكده بولمئشدر .

اولاً — انجمنك بدايت تشكلكنده رمضان شريف تقرب ايتديكندن ابتدا داخل
شهرده ۸ نجى ماده موجبجه خلقى ضروريات دينيه ومعالى اسلاميه ومكارم اخلاقيه